

SKAIH PRE-UNIVERSITY

BUKI DI INFORMASHON

Pa alumnonan di VSBO TKL

KONTAKTA NOS:

www.skaihpreuniversity.com

Tel: 737-9441 | Email:

info@skaihpreuniversity.com |

Arowakenweg 41-a, Gr Kwartier,
Willemstad, Curaçao



INTRODUKSHON

Bon Biní Na Skaih Pre-Universitario


Na promé lugá nos kier yama bo danki pa bo interes den Skaih Pre-Universitario! Probablemente lo bo a haña sa un ke otro kaba tokante di nos skol.

SKAIH Pre-Universitario ta ofresé enseñansa ku tin asiento riba Identidat Kolektivo i Formashon di Nashon di un banda i di e otro banda, Orientashon Internashonal.

*Mishon: Desaroyá alumno(nan) ku un personalidat fuerte i ankrá den nan pais: Kòrsou. Su idioma , kultura, historia ekonomia pero ku ta tambe konsiente ku e ta pertenesé na un sosiedat internashonal. SPU su punto di salida ta pa prepará su alumno ku ta sinti su mes na kas den e mundu global di siglo 21. Nos lema ta: **Konstruyendo Futuro.***

Si bo disidí di bin sigui bo estudio riba nivel HAVO/VWO na S-PU ta pasó lo bo a orientá kaba kiko bo kier bai studia i kisas na unda .

Den e buki di informashon akí lo bo haña un mihó bista di e struktura di SKAIH Pre-Universitario, materianan ku ta prepará bo pa estudionan superior i eksigensianan di atmishon. Al final lo tin un splikashon tokante di e prosedura di registrashon. Pa mas pregunta tuma kontakto ku e dekanu di bo skol, e lo a risibí e formularionan di registrashon. Si pa un of otro motibu esaki no ta e kaso bo por aserká SKAIH Pre-Universitario direktamente.



INFORMASHON GENERAL

Struktura di SPU

SKAIH Pre-Universitario ta un skol sekundario riba nivel di HAVO/VWO. E diferensia entre nos ku otro skolnan di HAVO/VWO na Kòrsou ta ku nos alumnonan ta haña lès/instrukshon na papaimentu i ingles. Esaki lo yuda den desaroyo personal di e alumno i prepará e alumno pa por sigui ku éksito su estudio na nivel di enseñansa superior, pa traha riba merkado laboral lokal i internashonal i den su funshonamentu den esfera sosial.

Internashonalisashon meskos ku desaroyo di identidat kolektivo propio ta forma parti integral di formashon na nos skol. Alumnonan ku ta sigui enseñansa bilingwe ta partisipá na diferente aktividat pa alsa nan dominio di ingles i konosementu di kultura di otro pueblo i pais pa medio di interkambio ku skolnan na otro pais. Di otro banda nos alumnonan tambe mester por presentá nan mes i nos komunidad ku orguyo i konosementu komo yu di Kòrsou pa laga otro ripará ku tin hopi motibu pa nan tambe apresιά i stima nos pais.

Normanan di Kalidat

Normanan di kalidat i nivel di enseñansa ta importante pa SKAIH Pre-Universitario. Pa por garantisá kalidat i nivel di estudio di nos skol, nos a bira miembro di e ret di skolnan bilingwe di NUFFIC. NUFFIC ta e instituto ku ta fiha norma di kalidat pa enseñansa bilingwe tantu na Hulanda komo na otro partinan di Oropa. Pa por keda akreditá komo un skol bilingwe, skolnan ku tin dos idioma di instrukshon mester kumpli ku e sèt di norma establecé pa skolnan bilingwe.



Eksamennan

Caribbean Examinations Council

Alumnonan di SKAIH Pre-Universitario ta pasa eksamen di Caribbean Examinations Council (CXC) ku ta un instituto di CARICOM. CXC ta e kolegio di eksamen karibense altamente aklamá den i pafó di nos region. CXC ta ofresé diferente programa di enseñansa na ingles, pero na SPU nos ta implementá CCSLC, CSEC i CAPE. Na final di e promé dos añanan di formashon básiko (klas 1 i 2), nos alumnonan por haña un sertifikado di Caribbean Certificate of Secondary Level Competence (CCSLC) komo prueba ku nan a finalisá formashon básiko. Esaki ta duna e alumno un prueba di tur materia i abilidadat ku el a kompletá i desaroyá durante su promé dos añanan di formashon básiko.

Na final di e di sinku aña (klas 5), alumnonan di SKAIH Pre-Universitario ta pasa eksamen di CXC pa haña e Caribbean Secondary Education Certificate (CSEC) i e diploma di SKAIH Pre-Universitario. NUFFIC ta balorá e eksamen akí na nivel di HAVO. Alumnonan ku kaba SKAIH Pre-Universitario riba e nivel akí por sigui nan estudio tantu den nos region komo na Merka, Canada, Oropa i otro partinan di mundo, na institutonan di enseñansa profeshonal superior.

Cambridge English Exams

Alumnonan ku ta sigui nan estudio na S-PU por pasa eksamen di ingles di Cambridge, e asina yamá Cambridge First Certificate in English (B2 First / FCE). Na final di klas 5 alumnonan por pasa eksamen pa Cambridge English Advance of Proficiency (C1 Advanced/ CAE of C2 Proficiency/CPE) .



Dikon Ingles?

Tin vários motibu: e desaroyo i kresementu di téknologia nobo, e kultura di muzik, e uso mundial di internèt kaminda e idioma mas usá ta ingles i internashonalisashon di nos mundu. Tur esakinan ta okashonnan kaminda hende ta drenta den kontakto ku otro rònt mundu – i ingles ta e idioma di komunikashon mundial!

Ingles komo idioma di instrukshon akadémiko

Mas universidat i estudio na nivel di HBO na Hulanda a i ta kambia idioma di instrukshon di hulandes pa ingles. Un bentaha di ingles komo idioma di instrukshon den tur nivel di enseñansa ta ku por alkansá un grupo di alumno i Alumno mas amplio i alabes e alumnonan ta siña ehekutá trabou fuera di nan idioma materno.

Esaki ta fásilitá e kolaborashon internashonal i idealmente esei ta fortalésé i balidá investigashonnan ku nan realisá. Den enseñansa e uso di ingles ta duna fleksibildat tantu na personal komo e Alumnonan pa por bai studia den eksterior i tambe pa por risibí informashon di otro kultura. Banda di esei ingles ta yuda ku e desaroyo di abilidadat lingwístiko i konsiensia interkultural.

Siña ingles riba un nivel haltu na SKAIH SPU banda di un formashon general amplio ta duna un alumno un bentaha signifikanste aktualmente den mundu tantu lokalmente komo den eksterior. Ku e bentaha di ingles e traspaso pa bai studia na un pais manera Merka, Canada, Australia, Karibe, Inglatera etc. ta grandi i e atmishon por ta hopi mas fásil.

Awendia e eskoho di enseñansa ta kai mas i mas riba enseñansa bilingwe kaminda e estudiante ta orienta riba un nivel internashonal pa asina habri e portanan pa studia na un pais eksterior mas amplio. Ademas ku e konosementu i nivel di ingles ta atkerí ku e alumnonan por ekspresá nan mes bon i por funshoná mas fásil den e komunidad kaminda lo sigui nan estudio.

Merkado laboral

Tantu na den eksterior komo lokal diferente kompania ta ekspandé nan vishon i mishonnan internashonalmente ku e.o. e meta pa modernisá nan kompania, ofresé e komunidad produktonan nobo etc. Pues ta yega un momentu ku lo drenta den kontakto ku personan di diferente nashonalidat i e idioma internashonal den komersio ta ingles.


Eskoho di Profil

Un profil ta un programa di enseñansa ku ta prepará alumnonan pa un kantidat di estudio riba nivel di enseñansa superior. alumnonan ku un diploma TKL-plus di VSBO ku, promé ku 1di ougùstùs 2021, no a hasi 17 aña ainda lo inisiá den klas 3 na Skaih Pre-Universitario.

E enseñansa di profil ta partí den 3 sekshon:

1. E parti **komun** ta obligatorio pa tur alumno i ta forma parti di e desaroyo general. E materianan ku ta kai bou di e sekshon akí ta ingles, papiamentu, hulandes, estudio soisial i formashon físiko.
2. E parti **prinsipal** ta konsistí di 5 materia ku ta prepará pa e estudio superior. E materianan ta ofresé un programa koherente. Esaki ta enserá ku ...
3. E parti **liber** ta konsistí di mínimo 1 materia èkstra di eksamen. Banda di esaki tin otro área di formashon den roster e.o. Global Citizenship, Career Guide i ora di mèntòr.

Bista General di Profil



Eksigensianan di Atmishon

Pa atmishon na Skaih Pre-Unibersitario mester kumpli ku e siguiente eksigensianan.

Eksigensianan General:

- Alumno a gradua na VSB0-TKL ku eksamen na aña 2021.
 - Tur sifra riba e lista di sifra mester ta mínimo 6.0 bai ariba.
 - Sifra di matemátika mester ta mínimo 7.0 bai ariba.
 - Sifra di CE papiamentu i ingles no por ta ≤ 7.0
- E alumno ku su resultado ta kuadra ku loke a menshoná ariba lo por drenta klas 3 si e no tin e edat di 17 aña ainda promé ku 1 di ougùstùs 2021.

Eksigensianan di Profil:

1)General: Kontabilidat, Empresa, Matemátika, Historia, Siensia Sosial.

§ Sifra di CE di Idiomanan mester $\geq 6,0$

§Sifra di CE di Ekonomia i Matemátika mester ta $\geq 6,0$

2)Siensia: Kímika, Físika, Matemátika, Biologia, Siensia Sosial.

§ Sifra di CE di Idiomanan mester $\geq 6,0$

§ Sifra di CE di Téknika mester ta $\geq 6,0$

§ Sifra di CE di Matemátika mester ta $\geq 7,0$

§ Sifra di CE di Kímika i Físika mester ta $\geq 6,0$

*SE = Eksamen Skolar

*CE = Eksamen Sentral (Centrale Eksamen)



Prosedura di Registrashon

Dekano di bo skol lo risibí e buki di informashon i e formulario di registrashon pa alumnonan di TKL-plus. E dekanu ta sòru di risibí tur informashon di e alumno. E alumno ta spesifiká e skol di Havo na papaimentu ku e ta deseá di bai.

Riba nos Wèpsait <https://www.skaihpreniversity.com/> por mira e lista ku e fechanan di inskripshon (esaki lo tuma lugá despues di resultado di e promé periodo). Tambe por mira e lista di tur e dokumentonan nesesario pa inskribí p.e. kopia di lista di sifra, kopia di sèdula, pasfoto etc. Asina ku skol a atimití e alumno, lo tene un kombersashon kòrtiku ku e dekanu i/o otro dosentenan den kuadro di eskoho eskoho di profil i materianan èkstra i/òf liber.

Despues di e resultadonan di e di dos periodo (hèrkansing) lo tin un di dos fecha di inskripshon kaminda e graduadonan por inskribí.



Ralph Seferina
Dosente di Siensia Integrá